



Bosnia and Herzegovina
Federation of Bosnia and Herzegovina

CANTON SARAJEVO
Ministry of Justice and Administration

Broj: 03-08-05-40781/18
Sarajevo, 21.01.2019. godine

SKUPŠTINA KANTONA SARAJEVO **Predsjedavajući Skupštine, Elmedin Konaković**

PREDMET: Odgovor na zastupničko pitanje

Na Prvoj radnoj sjednici Skupštine Kantona Sarajevo, održanoj 19.12.2018. godine, zastupnik u Skupštini Kantona, Zvonko Marić postavio je sljedeće zastupničko pitanje:

" Molim da mi se u pisanoj formi dostavi spisak svih pomoćnika ministara u svakom ministarstvu Vlade Kantona Sarajevo koji će uključivati sljedeće:

1. Resori kojima su zaduženi pomoćnici ministara
2. Iznosi mjesečne neto plaće, toplog obroka, regresa kao i drugih primanja tokom 2018. godine svakog pomoćnika
3. Spisak komisija, odbora, te ostalih organa kao i rukovodećih mjesta u sindikatima, poslovima koje obavljaju van organa uprave poput sudskih vještaka i slično, a čiji su članovi pomoćnici ministara, uključujući one za koje primaju naknadu iz javnih sredstava, te i za one koje ne primaju sredstva, te za one koje ne primaju naknadu
4. Iznose mjesečnih naknada koje primaju pomoćnici ministara kao članovi komisija, odbora i ostalih organa
5. Vremenski period od kada obavljaju poslove kao članovi gore spomenutih komisija, odbora..."

ODGOVOR

1.U Ministarstvu pravde i uprave Kantona Sarajevo u skladu sa Pravilnikom o unutrašnjoj organizaciji sistematizovana su tri radna mjesta pomoćnika rukovodioca organa uprava, od čega su popunjena dva radna mjesta, i to: pomoćnik za pravosuđe i izvršenje sankcija i pomoćnik ministra za upravu. Navedene poslove obavlja Irena Zima - pomoćnik ministra za pravosuđe i izvršenje sankcija i Hasan Zemanić - pomoćnik ministra za upravu.

2. Plaće i naknade pomoćnici ministra ostvaruju u skladu sa odredbama Zakona o plaćama i naknadama u organima vlasti Kantona Sarajevo ("Službene novine Kantona Sarajevo" br. 33/11, 5/13 i 9/15). Osnovna plaća se utvrđuje množenjem osnovice za plaću, koja u 2018. godini, iznosi 290 KM, sa koeficijentom platnog razreda koji iznosi 5,70 što iznosi 1653,00 KM i ovaj iznos uvećava se za 0,6% za svaku godinu penzijskog staža. Visina naknade za ishranu (topli obrok)



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241

Sarajevo, Reisa Džemaludina Čauševića 1



obračunava se u iznosu od 1% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku, tj. oko 8 KM dnevno.

Visina regresa utvrđuje se u iznosu od 50% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku, odnosno 440,50 KM, kao i za sve državne službenike i namještenike. Pomoćnici u ministarstvu nisu na rukovodećim mjestima u sindikatima, niti obavljaju druge poslove van organa uprave.

Članom 79. stav 4. Zakona o radu Federacije BiH ("Službene novine Federacije BiH" br. 26/16 i 89/18) propisano je da "Pojedinačne isplate plaća nisu javne".

3. Pomoćnici ministra Irena Zima i Hasan Zemanić, u skladu sa članom 31. stav 2. Zakona o namještenicima u organima državne službe u Federaciji BiH ("Službene novine Federacije BiH" broj 49/05), Rješenjem ministra pravde i uprave broj: 03-01-05-9537/17 od 02.03.2017. godine, imenovani su u Komisiju za polaganje stručnog ispita za namještenike srednje školske spreme iz općinskih i gradskih organa državne službe, na period od dvije godine. Naknada članovima navedene komisije utvrđena je Pravilnikom o sadržaju i načinu polaganja stručnog ispita namještenika u organima državne službe u Federaciji BiH ("Službene novine Federacije BiH" broj 75/05), u visini od 55 KM po kandidatu koji pristupi ispitu, a isplaćuje se iz sredstava koje uplate kandidati prilikom odobravanja polaganja ispita. Hasan Zemanić, Rješenjem Vlade Kantona imenovan je kao član Tima Vlade Kantona Sarajevo za borbu protiv korupcije i u toku 2018. godine, ostvario je naknadu za rad u iznosu od 300 KM, na mjesečnom nivou.

4. Irena Zima, Rješenjem Vlade Kantona broj: 02-05-10130-16/17 od 16.03.2017. godine, imenovana je u Tim za implementaciju Akcionog plana za prevenciju maloljetničkog prijestupništva i rad sa maloljetnicima u kontaktu sa pravosudnim sistemom u Kantonu Sarajevo 2017-2019 godine, a za ovaj rad ne ostvaruje naknadu, te Rješenjem Ministarstva za rad, raseljena lica i izbjeglice broj 13-1/01-5-23584-1/18 od 05.06.2018. godine, imenovana je u Koordinaciono tijelo za prevenciju, zaštitu i borbu protiv nasilja u porodici u Kantonu Sarajevo, za koji također, ne ostvaruje nikakvu naknadu. Irena Zima, također u toku 2018. godine, bila je angažovana i u aktivnostima TAIEX, instrumenta pristupne pomoći u procesu usklađivanja domaćeg pravnog sistema sa pravnim propisima EU u dvije oblasti: pružanje besplatne pravne pomoći i zatvorskog sistema u BiH - Ekspertska misija, organiziranog od strane Vijeća ministara BiH – DEI, za koji rad nije ostvarila nikakvu naknadu. Irena Zima i Hasan Zemanić, Rješenjem Vlade Kantona imenovani su u Komisiju za pripremanje odgovora na EU pitanja, kao i za odgovore na dodatna pitanja, za koje nisu primali naknadu. Hasan Zemanić, Rješenjem Vlade Kantona imenovan je u Komisiju za tumačenje Kolektivnog ugovora o pravima i obavezama poslodavaca i radnika u oblasti zdravstva za područje KS i Komisiju za pregovaranje radi zaključivanja novog Kolektivnog ugovora zdravstva o pravima i obavezama poslodavaca i doktora medicine i stomatologije, za koje nije predviđena naknada. Također, Hasan Zemanić, na osnovu Rješenja Federalnog ministarstva pravde, imenovan je u Komisiji za nadzor nad radom notara na području Kantona Sarajevo, a za obavljanje navedenih poslova nije predviđena niti ostvarena naknada.

Dostaviti:

1. Predsjedavajućem Skupštine Kantona Sarajevo,
2. Službi za Skupštinske poslove Skupštine Kantona Sarajevo.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

